

**ZAPISNIK**  
**sa 13. vanredne elektronske sjednice Upravnog odbora**  
**Univerziteta u Tuzli održane 09.11.2022.godine**

Zbog hitnosti u postupanju, organizirana je 13. vanredna elektronska sjednica Upravnog odbora na dan 09.11.2022. godine.

Članovima Upravnog odbora je dostavljen prijedlog dnevnog reda i to:

**DNEVNI RED:**

1. **Donošenje Odluke o iznosu dodatne participacije u troškovima drugog i trećeg ciklusa studija na fakultetima/Akademiji Univerziteta u Tuzli.**

Elektronskim putem, članovima Upravnog odbora dostavljen je prijedlog odluke sa obrazloženjem, te Odluka Vlade Tuzlanskog kantona o davanju prethodne saglasnosti broj: 02/1-04-52248-1/22 od 08.11.2022. godine.

Određeno je da se izjašnjavanje po dnevnom redu i tački dnevnog reda provede do 14,00 sati.

U radu sjednice učestvovali su predsjednik Upravnog odbora dr. sci. Semir Ahmetbegović, vanr. prof., te članovi: Suad Hasanović, Omer Beširović, Amela Dedić, Adela Šaldić, dr. sci. Anita Petrović, vanr. prof. i dr. sci. Franc Andrejaš, vanr. prof. koji su se elektronskim putem sa svoje e-mail adrese, izjasnili „za“ o dnevnom redu i prijedlog Odluke.

Prilog ovom Zapisniku čini ispis poruka elektronske pošte članova Upravnog odbora.

**TAČKA 1.**

**Donošenje Odluke o iznosu dodatne participacije u troškovima drugog i trećeg ciklusa studija na fakultetima/Akademiji Univerziteta u Tuzli.**

Za donošenje Odluke po tački 1. dnevnog reda, glasalo je ukupno 7 članova, čime je Upravni odbor većinom glasova od ukupnog broja članova, donio

**ODLUKU**  
**o iznosu dodatne participacije u troškovima drugog i trećeg ciklusa studija na**  
**fakultetima/Akademiji Univerziteta u Tuzli**

**Član 1.**

Lice koje podnese zahtjev i nastavi započeti doktorski studij na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 300,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani završni doktorski rad.

**Član 2.**

Lice koje podnese zahtjev i nastavi započeti drugi ciklus studija na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 200,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj

sedmici ljetnog semestra iste akademske godine ukoliko do početka ljetnog semestra ne odbrani završni magistarski rad.

**Član 3.**

Ova Odluka stupa na snagu danom donošenja, a primjenjuje se od akademske 2022/23. godine.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-6292-1/22

Tuzla, 09.11.2022. godine

PREDSJEDNIK  
UPRAVNOG ODBORA:

Dr. sci. Semir Ahmetbegović, vanr. prof.